

如火氣

戊申 上御朝講○供饋衛社功臣于闕庭賜一等樂

史臣曰時勲臣等以同盟之故並荷恩眷權同骨肉而酒食相徵逐殆無虛日皆以元衡為宗主凡有作為必稟而後行之以致權侔於上而一國威福都在其手可勝痛哉明胤不足數也麒麟壽躡稱儒士而承風順旨曲為阿附其私謂之頻情好之為人莫敢問其間云

○京畿利川喬桐癘疫熾發監司請設醫官齎持藥物救療從之

己酉 上御晝夕講夜對○日暈兩珥夜東方巽方乾方西方如火氣

辛亥 上以京畿清溪寺奴貴石等上言下于政院曰京畿僧人築城處則役之曳木軍及造紙者軍則勿役使無民弊事言于備邊司及該曹自古僧徒非如有妻子根著之人俱以無賴乞食之輩有苦役則為散而逃將有大弊故 先朝役僧之時